

(65) 2925  
**COMPLAINTE**

**DE LA FRANCE**

**SVR LARVMEVR**

**de la guerre ciuille.**

*Adressee à Nosseigneurs les Princes  
retireZ de la Cour.*

**A PARIS,**

**Iouxté la copie imprimée par Anthoine  
Champenois.**

---

**M. DC. XIV.**

COMPLAINTE

DE LA FRANCE

SAU LA RAMEUR

de la guerre civile.

et dédiée à nos braves les Français  
par le Comte de la Cour.

A PARIS

chez la copie imprimée par Anthonis  
Chapponis

M. DC. XIV.







COMPLAINTE DE  
LA FRANCE SUR LA  
rumeur de la guerre ciuile.

*Adressee à Nosseigneurs les Princes  
retirez de la Cour.*



Le papier messager du silence, vous  
fera entrevoir, (nos tres-illustres &  
honorez Seigneurs) quelle est l'affli-  
ction generale, qui par cy-deuant a  
violente & tourmenté la France. La  
rumeur de vostre soudaine retraicte, & la separa-  
tion de vos nobles personnes d'aupres celles de  
leurs Majestez, ont tellement trauaillé les pen-  
sées de tous les fideles sujets & seruiteurs du  
Roy, qu'au premier recit de ces nouuelles, les  
conceptions des plus sages ont esté retenues, &  
leurs paroles comme estouffees. Vous pourrez  
croire que ce n'est par presumption que ceste  
lettre (forcee de la necessité & vaincuë de nos af-  
fectionnees prieres) si librement se hazarde: mais  
bien pour vous faire cognoistre & représenter  
comme nostre heur & commun repos despend  
mediatement de vous. Nous vous faisons la tres-



humble offrande de ce libelle exhortatoire, & de ce complaignant discours, qui, comme tesmoing irreprochable, vous assurera de ce que nos vulgaires & grossieres paroles ne vous peuuent faire entendre ny exprimer. On a diuersement parlé de vostre absence, chacun en a disouru selon ses passions, & n'eut pas esté estimé fils né de bonne mere qui ne s'en fut attristé en ce trouble public, & avec subiect. Car ne pensez pas tant que l'on vous verra absens & retirez de la Cour, que les ennuy de la France ne soient inseparables. Bien est vray que iamais ne vous estimera absens, ny partialisez, pendant que son salut & le respect de son repos aura place en vostre cœur & en vostre memoire. Et puis qu'elle respire le doux air de la paix sous la faueur de vos vnitiues volonte, faites, en consequence de ce, que vostre esloignement ne luy donne sujet de soupçonner & se desfier de vos desseings. Elle se voit, en la priuation de vostre personne, veue, orpheline & delaissee d'une bonne partie de sa force & puissance, elle soupire ses peines & son mal-heur, qui pourroit indubitablement recevoir source, origine & naissance de vostre diuision : & pource ayez esgard à toutes les sanglantes douleurs que l'apprehension d'une guerre ciuile nous fait si viuement ressentir. Sans vostre veüe, tout plaisir à la Cour est suiet de tristesse, laquelle perd vne principale partie de sa lumiere & splendeur, perdant de veüe l'estre de vostre presence. Consideriez qu'abandonner le Roy, lors que vostre compagnie, vostre veüe & vostre conseil luy sont, comme vous scauez, plus chers, ce ne seroient preuues de la forme & obligatoire amitié & affection que vous deuez



au repos de son Estat & de sa persõne. Le ciel voulant de tout temps esleuer la fortune des Frãçois, vous a, en ces derniers regnes heureusement faict naistre pour estre les instrumens de leur prosperité. Et partant comme les Royaumes & Republiques florissent, lors principalement que les Roys & les Princes negligent leur propre gain & particulier interest, pour incessamment veiller à la manutention, entretien & conseruation de l'Estat: ayez pour ce regard l'œil tousiours ouuert, & prenez garde qu'on ne voye semer des infidelitez dans le champ de vos sincer es affections. Nous sçauons combien elles sont entieres au bien de ce Royaume, & ne s'en peuuent separer: vous les auez offertes au feu Roy, que Dieu absolue, en toutes sortes d'occurrences, il faut donc maintenant que celuy qui est la vraye image, vn autre luy-mesme, nostre petit & grand Maistre, qui ne respire que bonté & clemence, en ait la vraye & legitime possession. Vous ne pouuez douter de celle qu'il vous porte, & partant la deuez à iamais estimer aussi sainte que veritable enuers vous. La plus muette voire la moindre de toutes les faueurs que la Royne, la tres-honoree mere, vous a de tout temps faict paroistre, est plus que suffisante pour vous faire croire qu'elle ne vous veut que de l'amitié: & pource ne la priez de vous vouloir du bien; car en assurance vous pouuez croire qu'il n'y a partie en elle qui ne luy porte & contraigne avec toute sorte d'assez cheres & bien fortes persuasions: mesurez le bien qu'elle vous veut à l'esgal de la creance que vous deuez auoir de vos merites, & alors vous ne serez en doute que son affection enuers vous ne soit




tres-entiere & tres-pure. Pour ce qui est de nos Cours souueraines, Tutrices de cest estat, elles ouurent leur creance à tout ce que leur enuoyez, & vous assurent que iamais elles ne seront rebelles à vos paroles (instrumens de vos volonte, & truchemens de vos ames) qu'elles tiennent pour filles aînees de la verité. Et pour nous tous, nous vous croyons capables de ce que pourrions dire sur ce sujet, & assez disposez à tout ce que nos requestes & tres-humbles prieres vous pourroient conuier. Ne faictes seulement parade de paroles à l'endroit du vulgaire, mais bien de belles actions qui en procedent: car ordinairement le vulgaire interprete sinistrement les conseils & secretes deliberations des Princes. Brauez la discorde qui ne cherche qu'à faire vn cabal de vostre ruine, & dresser ses trophées sur la commune ruine & desolation generale de ce tres-florissant Royaume. Si le soupçon qu'on auoit de vos intentions premieres, ne pretend point de droit sur l'exterieur de vos actions (ce que Dieu ne vueille permettre) vous ne nous trôpez pas en l'esperance que nous aurez donnee. Car qui seroit celui qui se pourroit à iamais persuader y auoir de la feintise, en la personne de ceux parmy lesquels on a par cy deuant tant recogneu de foy & de loyauté? Il l'en trouue peu de ce nôbre. Et partant (tres-illustres Princes) puis que toutes les puissances de nostre ame & de nostre vie ne sont guidees que du respect que nous auons au seruice du Roy & au vostre: recherchez la paix, & faictes que la France reprenne haleine sous le relasche des armes. Conseruez encor vne fois ceste paix, que ce grand Hercule Gaulois, qui n'aguere presidoit en



ceste Monarchie, auoit accordee avec ses voisins  
 pour la procurer à son peuple. Et alors l'abon-  
 dante Cerés, caressée & asseurée en nos compa-  
 gnies, fera parade de sa perruque blonde, à la con-  
 solation des pauvres payfans, & soulagement du  
 peuple, qui viuant en repos, ne redoutera plus  
 les armes ny les alarmes d'une guerre ciuile, qui  
 fourage les biens, le sang & la vie des subjects:  
 change en bien peu de temps les Estats des Em-  
 pereurs, les Empires des Roys, les royaumes des  
 Princes, les possessions legitimes des nobles, les  
 dignitez des Magistrats, euacüe les thresors des  
 plus puissans Monarques, enseuelit les citez dans  
 leur propre ruine, mesprise la iustice, viole &  
 abatardit les loix, oppresse les vefues & pupilles;  
 bref c'est la cause de la totale ruine & desolation  
 des Republicques & plus puissantes Monarchies.  
 Que vos volontez demeurent inseparables, &  
 que vos cœurs soient vnis d'une si ferme vnion  
 pour la protection de ceste couronne, en demon-  
 strant toute fidelité au Roy, que ny la perte des  
 biens ny l'effusion de vostre sang, ny la mort  
 mesme, ne les puisse des-vnir; & sur ceste asseu-  
 rance, nous vous presentons le respect de nostre  
 amour, la fidelité de nos cœurs, la pure sincerité,  
 & sincere pureté de l'intention que nous auons  
 de vous faire seruice, en seruant celuy qu'apres  
 Dieu nous deuons sur terre seruir, honorer,  
 craindre, aymer, & respecter, comme nostre  
 souuerain & vnique Monarque, auquel tous  
 souhaittons regne prospere, & victoire de ses en-  
 nemis.

F I N.



15